

INFORMACIJSKI SISTEM O ISTRAŽIVAČKOJ DJELATNOSTI U BiH E-CRIS.BH

CURRENT RESEARCH INFORMATION SYSTEM IN BIH E-CRIS.BH

Nevenka Hajdarović

Voditeljica ISBN centra /Head of ISBN Center

Nacionalna i univerzitetska biblioteka BiH / National
and University Library of Bosnia and Herzegovina
Zmaja od Bosne 8 b, Sarajevo
nevenkah@nub.ba

Sažetak : *E-CRIS.BH je informacioni sistem o istraživačkoj djelatnosti u Bosni i Hercegovini. Povezan je sa bazom podataka COBISS.BH. U okviru sistema evidentiraju se podaci o istraživačima, istraživačkim organizacijama, odjeljenjima i projektima.*

Ključne riječi: *istraživačka djelatnosti, istraživači, Bosna i Hercegovina, E-CRIS.BH, COBISS.BA*

Abstract:

E-CRIS.BH is information system about research activity in Bosnia and Herzegovina. It is connected to COBISS.BH database. Within the system, data about researchers, research organizations, departments and projects are being registered.

Keywords: *research activity, researchers, Bosnia and Herzegovina, E-CRIS.BH, COBISS.BA*

E-CRIS.BH (Informacioni sistem o istraživačkoj djelatnosti u Bosni i Hercegovini - Current Research Information System in Bosnia and Herzegovina) jeste elektronska baza podataka o istraživačima, istraživačkim organizacijama, istraživačkim odjeljenjima i istraživačkim projektima.

Razvoj informacionog sistema CRIS (Current Research Information System) otpočeo je u Evropi krajem prošlog stoljeća s ciljem prikupljanja i razmjene podataka o istraživačkoj djelatnosti. U svrhu standardizacije podataka o istraživačkoj djelatnosti, u Evropi je prihvaćen format CERIF (Common European Research Information Format), koji propisuje sadržaj, obim i strukturu podataka o

istraživačkim projektima, istraživačkim organizacijama, odjeljenjima i istraživačima.

Na osnovu utvrđenih standarda i preporuka CERIF-a, Institut informacionih znanosti u Mariboru (IZUM), za potrebe stvaranja informacionog sistema o istraživačkoj djelatnosti, razvio je web aplikaciju i ponudio je korisnicima aplikacije COBISS (Slovenija, Bosna i Hercegovina, Srbija, Makedonija, Crna Gora, Bugarska, Albanija).

Ukratko, korisnicima aplikacije Kooperativni online bibliografski sistem i servisi (COBISS) omogućeno je da u okviru svojih nacionalnih bibliotečko-informacionih sistema u mreži COBISS.Net (www.cobiss.net) evidentiraju istraživače, istraživačke organizacije, odjeljenja i projekte neophodne za izradu bibliografija istraživača i organizacija.

Baza podataka E-CRIS.BH povezana je sa bibliografskom bazom podataka COBISS.BA, koja omogućava uvid u bibliografije istraživača. Prilikom obrade dokumenata u okviru COBISS-a, neophodno je, osim bibliografskih podataka, unijeti i šifru istraživača i oznaku za tip dokumenta. Da bi jedan istraživač u okviru baze E-CRIS.BH imao potpunu bibliografiju neophodno je da se u okviru COBISS.BA obrade jedinice, a za one koje su već obrađene potrebno je dodijeliti identifikacioni broj autora i kod za tipologiju dokumenta. U izlistanoj bibliografiji dostupni su svi podaci o bibliografskim jedinicama, kao i podatak o tome koje biblioteke posjeduju određene bibliografske jedinice istraživača.

Da podsjetimo, bosanskohercegovačke biblioteke koriste COBISS (www.cobiss.ba) kao bibliotečko-informacioni sistem od samog početka njegove implementacije na prostorima bivše države (1987). Broj biblioteka koje ispunjavaju uslove za učlanjenje u COBISS.BH se povećava, tako da sada u sistemu egzistiraju 33 članice. Stručno

osposobljen kadar, bogati fondovi, dobra informatičko-komunikaciona infrastruktura jesu preduslovi koje treba da ispune biblioteke koje žele postati aktivne članice sistema.

Eksperimentalna faza E-CRIS.BH uspostavljena je u martu 2008. godine. Odmah po uspostavljanju baze određeni broj istraživača pokazao je interes za ažuriranje svojih podataka u okviru baze i izradu bibliografije. Podatke o pojedinim istraživačima (za potrebe eksperimentalne faze) bibliotekari u NUBBiH su ažurirali. Za sada se popunjavaju baza podataka o istraživačima (registrovano 1678 istraživača) i baza podataka o istraživačkim organizacijama (registrovano 78 istraživačkih organizacija).

Za potrebe daljeg razvoja i izgradnje informacionog sistema o istraživačkoj djelatnosti u Bosni i Hercegovini (E-CRIS.BH) neophodno je da sve univerzitetske biblioteke postanu aktivne članice sistema, kako bi se podaci o istraživačkoj djelatnosti u Bosni i Hercegovini ažurirali, jer najveći broj registriranih istraživača i organizacija je sa univerziteta.

Literatura:

<http://e-cris.bh.cobiss.net/about/cris.aspx?lang=bos>

www.cobiss.ba

www.cobiss.net



Članice sistema COBISS.BH

Br.	Sigla	Naziv biblioteke	Akronim
1.	10000	Nacionalna i univerzitetska biblioteka Bosne i Hercegovine	NUBBiH
2.	10016	Pravni fakultet Univerziteta u Sarajevu / Biblioteka	PFSA
3.	10027	Akademija nauka i umjetnosti Bosne i Hercegovine / Biblioteka	ANUBiH
4.	10253	Narodna i univerzitetska biblioteka "Derviš Sušić", Tuzla	KBTZ
5.	10254	Narodna i univerzitetska biblioteka Republike Srpske	NUBRS
6.	10400	Filozofski fakultet Univerziteta u Sarajevu / Biblioteka	FFSA
7.	10401	Fakultet kriminalističkih nauka Univerziteta u Sarajevu / Biblioteka	FKNSA
8.	10402	Fakultet političkih nauka Univerziteta u Sarajevu / Biblioteka	FPNSA
9.	10404	Pravni fakultet Sveučilišta u Mostaru / Biblioteka	PFSMO
10.	10005	Ekonomski fakultet Univerziteta u Sarajevu / Biblioteka	EFSA
11.	10501	J.U. Kantonalna i univerzitetska biblioteka, Bihać	KBBI
12.	10502	Narodna knjižnica Hercegovačko-neretvanske županije Mostar	GKMO
13.	10801	Biblioteka za slijepa i slabovidna lica u BiH	BSSLISA
14.	10990	Javna Ustanova Opća biblioteka Zenica	KBZE
15.	10406	Sveučilište u Mostaru / Sveučilišna knjižnica	SKMO
16.	10001	Parlamentarna Skupština Bosne i Hercegovine / Biblioteka	PSBiH
17.	10408	Javna ustanova Opća biblioteka Tešanj	BIBTE
18.	10409	Prirodno-matematički fakultet Univerziteta u Sarajevu / Biblioteka	PMFSA
19.	10410	Stomatološki fakultet Univerziteta u Sarajevu / Biblioteka	SFUNSA
20.	10411	Građevinski fakultet Univerziteta u Sarajevu / Biblioteka	GFUNA
21.	10412	Arhitektonski fakultet Univerziteta u Sarajevu / Biblioteka	ARHFK
22.	10413	Univerzitet „Džemal Bijedić“ / Biblioteka	UNMO
23.	10500	Biblioteka grada Sarajeva	BKSA
24.	10414	Univerzitet u Zenici / Univerzitetska biblioteka	UNZE
25.	10010	BH TELECOM	BHTCM
26.	10504	J.U. Centar za kulturu Goražde	NBGO
27.	10505	J.U. Gradska biblioteka Kakanj	GBKA
28.	10506	Opća biblioteka „Muhamed Kantardžić“ Breza	OBMKB
29.	10507	Opća biblioteka Vareš	OBVA
30.	10508	J.U. Javna biblioteka Zavidovići	JBZA
31.	10509	Opća biblioteka Maglaj	OBMAG
32.	10510	J.U. Narodna biblioteka Mostar	NBMO
33.	10511	J.U. Gradska biblioteka Visoko	GBVI